
ԱՐՏԱԿ ՇԱՔԱՐՅԱՆ. «Արյան հարկը» Օսմանյան կայսրությունում. Դեվշիրմէ.
Երևան, հեղինակային հրատ., 2006, 179 էջ:

Դեվշիրմէ կամ բռնի մահմեդականացման երեսույթը կազմում է Օսմանյան կայսրության նկարագրի մի մասը՝ կրելով նրա ռազմաքյուրովրատական ու թեուրատիկ առանձնահատկությունների խոր կնիքը: Այն միաժամանակ արտացոլում է կայսրության հպատակ ժողովուրդների կեղերման, իրավագրկության ու խայտառակ հարստահարությունների իրողությունը, որ բնութագրական էր թուրքական նվաճողների և հպատակ ժողովուրդների փոխհարաբերությունների համար: Եվ վերջիններիս ծալքերը բացահայտելու, դրանց դարավոր պատմության մի հատվածի ուսումնասիրության համար գիտական ու ճանաչողական նշանակություն ունի սույն գիրը: Զնայած մեզ՝ հայերիս նկատմամբ, որոնք Օսմանյան կայսրության հպատակներն են եղել, դեվշիրմէն կիրառվել է քանից և դրսերվել որպես շարունակական պատմալիք ազգային ինքնության դեմ, այս երեսույթը զարմանալիորեն թիշ ուշադրության է արժանացել հայրենական պատմագրության կողմից: Այդ ակնբախ բացը լրացնելուն է կոչված Արտակ Շաքարյանի գործը այս թեմայով առաջին ամբողջական և լուրջ ուսումնասիրությունը մեզանում: Պակաս կարևոր չէ աշխատության սուր հակադրությունը արդի թուրքական և արևմտյան այն ուսումնասիրողներին, որոնք կամ նվիրագործում են դեվշիրմէի անարդ երեսույթը և կամ էլ ըստ ամենայնի հիմնավորում այն, իրքն օսմանյան հասարակության զարգացումն ապահովող դրական իրողություն՝ սոցիալական ստրատիֆիկացիայի գործոն, որը, իրը, ապահովել է կայսրության բոլոր հպատակների հնարավորությունների իրացումը՝ մասնակցելու երկրի կառավարմանը: Դեվշիրմէն, որը մարդկային խոր ողբերգություն էր ոչ մահմեդական անհատի և ազգերի համար, նրանք ներկայացնում են իրքն այդ նույն անհատի և հասարակության զարգացման ու բարզական աղյուսակությունը: Գրքում հիմնավորապես հերքվում են նշված ձախող և հակազիտական տեսակետները: Աշխատությունն ունի թեմայի առանձնահատկություններից բխող կառուցվածք՝ սկսած դեվշիրմէի ձևավորման նախապատմությունից մինչև նրա ծավալման ընթացքն ու զարգացումը, դեվշիրմէի անցկացումից մինչև այդ համակարգի վարչական ու ռազմական կառուցների բնույթի և գործունեության հանգամանալի բացահայտումը (XV-XVIII դդ.):

Սուածին զիխում տրվում է դեվշիրմէի՝ որպես մահմեդական հասարակության մեջ մարդկային ռեսուրսների կառավարման ձևի քննությունը և, այնուհետև, դիտարկվում դրա ձևավորման հիմնահարցը: Հիրավի, պարտված հակառակորդների օգտագործումն իրքն ռազմական ուժ և պետական կառուցների կենսագործունեության միջոց, սկիզբ է առնում դեռևս խալիք Օմարի և ապա փոքրասիհական սելջուկների ժամանակներից (մասնաւոր մասնակիությունը և դուզամ համակարգի վաղ դրսերումները): Օսմանները նրանցից ժառանգեցին մահմեդական հասարակության ընդերքում արդեն ձևավորված այս հաստատությունները՝ դրանց տարրվ սեփական ռազմական, վարչական ու իրավական-կազմակերպական սկզբունքների ձևը: Համոզիչ վերլուծությամբ ցույց է տրվում, որ դեվշիրմէից առաջ Օսմանյան կայսրության մեջ օրինականացված վենչիքը արդեն դրսերում էր երկու ուղղություններով՝ իրքն ռազմագերիների արժեքի մեկ հինգերորդ չափ, ինչպես և թվական հաշվարկով (մեկը հինգի հարաբերակցությամբ) հարկվող շերիի հարկ: Սակայն օսմանյան նվաճողների շարունակ ընդայնվող աշխարհագրությունն իր ծավալների համեմատ նոր բովանդակություն և ձևեր էր պարտադրում վիճակի սկզբունքին: Ավատատիրական նոր հողատիրությունը կամ

ռազմալենային համակարգն առաջադրում էր շատ ավելի մարդկային ծավալուն ռեսուրսների պահանջ, քան ի վիճակի էր տրամադրել փենջիքը: Զնավորվում էր օսմանյան ռազմահողատիրական դասը (ասքերիներ), որը շահագրգութան կամ տնտեսական լիակատար քայլայման պահանջներով, այլ նվաճված հողերի մշակման համար անհրաժեշտ հողագործ բնակչության վերարտադրության խնդիրներով: Առավել նվատակահարմար նվաճված ժողովուրդների կանոնավոր հարկումն էր համայրելու պետության ռազմական ուժերն ու վարչական հաստատությունները ազգաբնակչության մի մասը կանոնավորապես մահմեղականացնելու միջոցով: Այսպես կազմավորվեց և օսմանյան պետության հետագա շրջաններում ծավալվեց դեվշիրմեն, իբրև գերիներ կամ ստրուկներ հավաքելու ձև: Հեղինակը ճշմարտացի է ներկայացնում դեվշիրմենի բնութագիրը՝ որպես պետության իր ոչ մահմեղական հավատակներին հարաբերվելու յուրահատուկ միջոցը, որ հետամտում էր նաև վերջիններին մշտական հնագանդության մեջ պահելու, օսմանյան լին դեմ նրանց դիմադրական ողջին ու հնարավորությունները կոտրելու ռոշակի նպատակ:

Աշխատության մեջ փաստական հարուստ նյութերով ցուցադրվում է դեվշիրմեն գործողության մեջ, տղայահակարքի նախապատրաստման ու անցկացման կարգը, նրանց հսկողության և տեղափոխության եղանակները և այլն: Այս հատվածում բացահայտվում են օսմանների կողմից շերին խախտելու ուշագրավ երևույթներ: Նախ շերին անթույլատրելի էր համարում դուրանի հայտնությունից առաջ դեռևս հայտնի՝ Սուլք գրքին հետևողների (զիմմիներ) բռնի մահմեղականացումը: Կնշանակի՝ հույներից և հայերից դեվշիրմեն հարկելը շերիի կանոնների ուսուհարում էր օսմանյան պետության կողմից: Ճիշտ նույնպիսի խախտում էր նաև բռնիհացի մահմեղականներին դեվշիրմենի ենթարկելը, քանի որ, ըստ շերիի, չէր կարելի ստրկացնել մահմեղականին: Հեղինակն այս խնդիրն իմաստավորում է այն տեսակետից, որ օսմանյան նվա-

ճողական քաղաքականությունը ոչ միայն իր նվաճումներին էր ծառայեցնում շերին՝ իբրև հանրային իրավունք, այլև, հարկ եղած դեպքում, ուսնահարում էր այդ նույն հանրային իրավունքը՝ հանուն նվաճողական նպատակների: Այս զիսում բացահայտվում են դեվշիրմենի նոր շերտեր. քննարկելով դեվշիրմենի որակական կողմերը՝ տարբեր և անզամ հակասական փաստերի համադրումով հեղինակը համոզում է, որ օսմանները նախապատվությունը տվել են 14-20 տարեկան, թեև ֆիզիկապես կազմավորված, բայց աշխարհընկալման տեսակետից դեռևս փիլուն, ուրեմն և դաստիարակությանը տեղի տվող պատանիների հավաքագրմանը: Ուշագրավ է այն բացահայտումը, որ սուլթանները խախտում էին որոշ քաղաքներում մանկահավաք չանցկացնելու վերաբերյալ իրենց երբեմնի խոսումները: Բերվում է Մեհմեդ II-ի կողմից Անկուրիայի հայերին դեվշիրմենի ենթարկելու հայտնի իրողությունը, երբ, ինչպես հիշատակարանում է նշված, «անօրէն արքան» մերժում է հայերին նախապես տրված «ազատության» թուղթը: Դրանով իսկ սուլթանը ուսուհարել է նախադեպի նորմը, որը, ի դեպ, հավակնում էր կայունության օսմանյան իրավական համակարգում:

Գրքում քննության է արնված դեվշիրմենի ժամանակ չարաշահումների և հավաքներից խուսափումների երևույթը, որի դեմ շարունակական, բայց ոչ արդյունավետ պայքար էր մղում պետությունը: Ցուցադրելով այս ասպարեզում պաշտոնական հոգերանության և գործելակերպի մեջ խոր արմատներ նետած կոռուպցիան ու չարաշահումները, հեղինակը ի հայտ է բերում այդ որակները իրանող կարևոր պատճառներից մեկը՝ դեվշիրմեն անցկացնելու իրավունքը վարձակալությամբ գնելու սկզբունքը: Առհասարակ վարձակալության իրավունքի վաճառքը (իլքիգամի ինստիտուտ) քաղցեղով նման իր շոշափուկները տարածել էր կայսրության հողային ու դրամական հարաբերությունների բոլոր ոլորտները՝ դառնալով նրա ռազմատնտեսական անկման լուրջ պատճառներից մեկը: XVII դ. թուրք հեղինակ Կոչի բեյը այն որակում էր իբրև

երկրի տնտեսության (մասնավորապես կայսերական խասերի և մուքայասաների) բայրայման ակնառու գործոն: Կապված մանկահավաքի հետ՝ հեղինակը տալիս է իլրիզամի հագեցած վերլուծությունը, բացահայտելով, որ այն նպաստում էր «քրիստոնյա երեխաների որսին», ինչպես և կոռուպցիայի խորացմանը դեվշիրմեն ժամանակ: Դեվշիրմեն պարբերականության նվազումը հեղինակն իրավացիորեն համարում է կայսրության ռազմական ուժի անկման, ինչպես և այն բանի հետևանք, որ ենիշերական զորամասերն սկսեցին համարլիք ենիշերիների զավակներով և թուրքերով: Քանակապես նշանակալի այս նոր ռեսուրսները պետք է բավականաշափ բավարեին երիտասարդների պահանջարկը ենիշերական զորամասերում:

Դեվշիրմեն պատանիների հետազա ճակատագրի հետ կապվող խնդիրները հետևողական քննության են առնվել վարչական ու կրոնաիրավական հիմնարկներում նախատեսվող ծառայության ռեզերվի՝ իչ օղանների, ապազա ենիշերիների աջեմի օղանների, ինչպես և հակաբարձրվածների մի սովոր մասը կազմող սուկական կուկերի տեղն ու դերը օսմանյան հասարակության մեջ: Այսուղի էական կողմերով ցուց է տրվում օսմանյան հին տոհմիկ ավագանու և աստիճանակարգով վեր բարձրացած դեվշիրմեների (հավաքագրվածների) մրցակցությունն ու հակադրությունը իշխանության ասպարեզում: Իրենց՝ ենիշերական զորահմբերի այլաբերման զործնթացը հեղինակը ի հայտ է բերում զավառներում նրանց անսանձ կամայականությունների ու անվերահսկելիության, ամուսնանալու արգելքը ոտնահարելու, ինչպես և առնտորի ու արհեստների ասպարեզը ներքափանցելու իրողություններով: Իսկապես, հենց միայն այն նախամանքը, որ քափրուլու համակարգի մարդիկ հատկապես թույլ սուլթանների ժամանակ դառնում էին պետության իրական դեկավարները, սրանց արդեն բնութագրում է իրեն կայսրության ինքնարավությունը խարիսող գործոն:

Առանձնապես արժեքավոր ենք համարում դեվշիրմեն ամենաստվար խմբի՝ ստրուկների ճակատագրի բացահայտումը,

իրեն համեմատարար քիչ պարզաբանված բնագավառի: Ընկնելով հասարակության ամենաստորին դասի մեջ, նրանք դառնում էին առուծախի առարկա, աշխատում իրեն ստրուկներ տներում, թիմարներում, չիֆր-լիքներում: Միանգամայն հիմնավորված է հեղինակի եզրակացությունը, որ այսպիսվ, դեվշիրմեն ստեղծված էր ոչ միայն օւմանյան ռազմական ու վարչական համակարգի վերարտադրման, այլև աշխատանքի տարածքային վերաբաշխման նպատակով:

Աշխատության ուշագրավ հատվածներից է հայերի նկատմամբ դեվշիրմեն կիրառելու ոչ բնդարձակ, բայց բնութագրական և տպապերի քննական ակնարկը, որ ցուցադրում է օսմանյան անազորույն լծի մի դրսերումը մեր ժողովրդի պատմական անցյալում: Բայկանների հետ համեմատած՝ Հայաստանում մանկահավաքների նվազ քանակը Ս. Շաքարյանը հիմնավորում է այնպիսի գործոններով, ինչպես ասիական նահանգներում կայսրության ավելի հուսալի վիճակը, քուրդ ավատատերերի ռազմական ուժի օգուազործումը նրա կողմից: Անդրադարձալով հայազգի դեվշիրմեներին, հեղինակը հիշատակում է եղբայրներ Մեհմեդ և Զայլի փաշաներին. վերջինս քառակի զրադեցրել էր մեծ վեզիրի պաշտոնը (XVII դ. առաջին կես), իսկ նրա եղբայրը հասել էր բեյլերբեյի աստիճանի: Հեղինակի զուսպ մոտեցումն այս հարցին ակներև է և հասկանալի. շատ սակալ բացառություններով: Նրանք անդարձ կորած են եղել իրենց ծնող ժողովրդի համար, այնպես, ինչպես մեծ վեզիր Սուլեյման փաշան (XVII դ. 50-ական թվականներ), նրա ժամանակակից Հասան (Հյուսեին) աղան՝ Սուամբուլի մաքսատան զիլավորը (Էմին), որը համբավված մեծահարուստ Սնդոն չելեախի եղբայրն էր: Ենիշերական (հավանաբար աշեմի օղանների) միջավայրի մեջ էր թրծվել նաև հայազգի Մինանը: Օսմանյան ժուրքիայի այդ մեծագույն ճարտարապետը:

Հեղինակը արամարանական ավարտի է հասցնում իր գիտական հետազոտությունը՝ լուսաբանելով մանկահավաքների դանդաղ ու տևական վախճանի ընթացքը՝ ներկյուսված օսմանյան ավատատիրական հասարակության զարգացումներին:

Հիմնահարցի լուծման համոզությամբ և լի էր անել մի երկու դիտողություն, ինչպես գիտական նորույթներով աշխատությունը հայկական ներդրում է հայրենական արևելագիտության մեջ։ Այս որակներին հեղինակը հասել է օգտագործած հարուստ սկզբնադրյուրների, բնագրային իմացության, թեմային առնչվող օտարայեզու և հայ գրականության հմտալի օգտագործմամբ։ Թերևս, կարե-

լի էր անել մի երկու դիտողություն, ինչպես հայկական նյութի փաստական կողմը կարիք ունի փոքր-ինչ հարստացման կամ աշխատության մեջ առկա լեզվական որոշ մեղանչումներ։ Ասվածը, սակայն, չի սովերում գիտական այն լուրջ աշխատանքը, որ կատարել է Ա. Շաքարյանը՝ դեվջիրմեհ հայրենական հետազոտության բնագավառում։

ԱԼԵՔՍ ԽԱՆԱՏՅԱՆ